

Panagbalin a Nalaing a Mannursuro a kas ken ni Cristo — Bukod a Panangamiris

Kas mannursuro, nasken a masansan nga amirisentayo dagiti pagpigsaan ken pagkapsutantayo tapno matulongantayo dagiti agad-adal a mangbukel iti pammatida ken ni Jesucristo ken agbalin nga ad-adda a kas Kenkuana. Makatulong kenka ti sumaganad nga aktibidad a mangyaplikar kadagiti pagbatayan ti panangisuro a kas ken ni Cristo. Panunotem no kasano a mailadawannaka a nalaing dagiti sumaganad a palawag a kas maysa a mannursuro. Pilien ti kangrunaan a maitutop a sungbat para iti tunggal palawag: (1) manmano, (2) sagpaminsan, (3) masansan, (4) dumani kanayon.

Kalpasanna, no tarabayen ti Espiritu, nainkararagan a pumilika iti sumagmamano a banag a kayatmo a padur-asen. Mangituding iti sumagmamano a panggep a tun-oyen, ket usarem daytoy a resource a makatulong kenka a dumur-as.

Agpokus ken ni Jesucristo

- ___ Isurok ti maipapan ken ni Jesucristo ania man ti isursurok.
- ___ Yunay-unayko ti pagwadan ni Jesucristo.
- ___ Tulongak dagiti agad-adal a mangbigbig iti ayat, bileg, ken asi ti Apo iti biagda.
- ___ Tulongak dagiti agad-adal a mangpapgisa iti relasionda iti Nailangitan nga Ama ken ni Jesucristo
- ___ Tulongak dagiti agad-adal a siraranta nga agpasnek nga agbalin nga ad-adda a kas ken ni Jesucristo.

Ayatem dagiti Sursuruum

- ___ Ipasnekko ti mangkita kadagiti agad-adal iti wagas a panangkita ti Dios kadakuada.
- ___ Ikalikagumko ti mangam-ammo kadagiti sursuruak—tapno maawatak dagiti kasasaad, kasapulan, ken pagpigsanda.
- ___ Ikararagak dagiti agad-adal babaen iti naganda.
- ___ Mangparnuayak iti maysa a natalged nga aglawlaw a pakadayawan ti amin ken pakaammuan a maik-ikkan pateg dagiti kontribusiona.
- ___ Mangsapulak kadagiti maitutop a wagas a pangipeksaak iti ayatko.

Mangisuro babaen ti Espiritu

- ___ Isaganak ti bagik a naespirituan a mangisuro.
- ___ Sungbatak dagiti naespirituan a pannignay maipapan iti kasapulan dagiti agad-adal.
- ___ Mangparnuayak kadagiti disso ken gundaway a pakaisuruan dagiti agad-adal babaen ti Espiritu Santo.
- ___ Tulongak dagiti agad-adal nga agsapul, mangbigbig, ken agtignay iti bukod a paltiing.
- ___ Iburayko a masansan ti pammaneknekkko, ken allukoyek dagiti agad-adal a mangibinglay kadagiti rikna, padas, ken pammaneknekkda.

Isuro ti Doktrina

- ___ Sursuruek ti doktrina ni Jesucristo para iti bagik.
- ___ Mangisuroak manipud kadagiti nasantuan a kasuratan ken balikas dagiti propeta iti ud-udina nga aldaw.
- ___ Tulongak dagiti agad-adal a mangsapul, mangbigbig, ken makaawat kadagiti kinapudno iti nasantuan a kasuratan.
- ___ Agpokusak kadagiti kinapudno a mangiturong iti kumbersion ken mangbukel iti pammati ken ni Jesucristo.
- ___ Tulongak dagiti agad-adal a mangsapul iti bukod a pakainaigan iti doktrina ni Jesucristo.

Mangyawis iti Napasnek a Panagsursuro

- ___ Tulongak dagiti agad-adal nga umawat iti pangrebbe-ngan para iti panagsursuroda.
- ___ Allukoyek dagiti agad-adal a mangam-ammo iti Mangisalakan babaen iti panagadal iti ebanghelio iti inaldaw.
- ___ Awisek dagiti agad-adal nga agsagana nga agsursuro.
- ___ Allukoyek dagiti agad-adal a mangibinglay kadagiti kinapudno a masursuroda.
- ___ Awisek dagiti agad-adal nga agbiag iti no ania ti masursuroda.